

「戰友」太炎涼 高達硬「屈基」

批死咬「民動」食相醜 老馮：為保欽點露尾巴

特稿 退出咗民協嘅老馮（馮檢基），不滿主流反對派欽點小麗老千（劉小麗）做立法會九龍西補選「Plan A」，日前發出最後通牒，「強烈呼籲」佢哋搞「初選」，否則佢會「再三積極考慮」自己嘅角色，係爭在未講「宣佈參選」嘅幾隻字啫。曾經同老馮創立過民協嘅民主黨前主席高達（李永達），非但無念到當年情，更鬧對方係契弟，皆因小麗老千（劉小麗）做「Plan A」係主流反對派協調機制「民主動力」傾出嚟嘅，正如對方做民協主席嗰陣，民協啲區議會人選都係「民動」傾出嚟，質疑對方點解咁先嚟鬧嗰。老馮亦都唔係省油嘅燈，鬧返高達為咗保衛欽點面目猙獰，兩個夾埋過百二歲嘅老人家喺度玩網戰，仲細咩！

■香港文匯報記者 陳庭佳

查實高達都唔係第一次就九西補選一事話老馮，喺7月老馮退出民協之後，已經「溫馨提示」佢，如果再選會成世都掛住個污名，無人再原諒佢嗰。到老馮向主流反對派發最後通牒第二日，即係前日，高達又再出動，學人玩自拍，話老馮「終於露出狐狸尾巴」，叫佢唔好扭曲事實話小麗老千係欽點出嚟嘅，因為呢個係「民動」傾出嚟嘅，而且係年初嘅事，當時老馮仲係民協，而民協都有參加「民動」會議。高達憶述，民協當時提出要「初選」，但其他組織覺得唔使，但問到民協會唔會有人參與「初選」，民協竟然話無，所以無可能得小麗老千一個人參與「初選」，「或者個『Plan B』得李卓人一個，點『初選』啫？」

高回帶寸民協區選都靠推舉

越講越起勁，高達仲提到2007年、2011年同2015年三次區議會選舉，都係「民動」傾各選區區人選，老馮當時更加係民協主席，民協出選區議會嗰人都唔係透過「初選」選出嚟，都係推舉小麗老千嘅「民動」推舉出嚟嘅，「喂阿基，做人就唔好戾橫扭曲，除非你即刻話以前做錯咗，民協以前參與呢個平台係傻嘅、錯嘅、蠢居嘅！」佢覺得老馮好契弟，淨係鬧小麗老千同李卓人，唔鬧埋其他團體，包括啱啱退出咗嘅民協，「你想選嘅，你想鏢票嘅咪講囉」，不過如果佢去選，只會係主流反對派呢個圈度遺臭萬年。

馮跟風考古 怨「雷動」害「人」

老馮俾舊戰友辣到無覺好嬲，嘅日凌晨差唔多兩點係facebook反擊，話估唔到高達為咗保衛欽點而顯露猙獰面孔，走去辱罵佢。對於高達同「民動」創會召集人袋鼠碩（鄭宇碩）質疑佢「收錢」、喺內地有生意，佢就話自己已經嚟網台節目答咗，條link（連結）仲擺咗上facebook嚟。去到凌晨四點幾，老馮出多個po（帖文），話要回應網友質疑佢2016年立法會選舉空降新界西兼「鏢死」李卓人，cap（截圖）咗篇兩年前嘅報道，李卓人喺報道中話自己衰嘅「佔中三丑」之一戴耀廷個「雷動計劃」嘅配票效應手上，仲話自己係最後一次參選嘅。佢又cap埋民主黨尹兆堅當時個po，同樣都係鬧「雷動」有缺陷，唔講粗口已經好克制嗰。當時嘅「雷動」入面有4個新西候選人被列為「告急」，包括李卓人、公民黨郭家麒、社民連「村長」黃浩銘同當時仲係「街工」嘅黃潤達，4個只可以保兩個，最後決定配票畀郭家麒及黃浩銘，結果保住郭家麒一個咁大把。至於老馮就因為支持度太低，俾「雷動」放棄治療。



▲老馮批高達面目猙獰，睇佢自拍個樣都係嘅。facebook 截圖

▲高達玩自拍鬧老馮契弟。片段截圖



■老馮cap圖反駁網民對佢鏢李卓人票嘅質疑，留意返右上角，凌晨四點幾呀！facebook 圖片

老千揸波做小丑 網民揶揄假大空

今日之星 有網民貼出《小丑回魂》中小丑手持紅氣球嘲張劇照，覺得同小麗張相十分match。「Ming Wai Wong」揶揄：「一個中年女子荒山野嶺揸住個氣球，我又唔覺幸福，又唔覺佢守護到邊個喎！」「Chewing Chung」就幫小麗老千解讀張相嘅意思：「汽（氣）球代表作大，內裏空洞無物，隨時會爆！」「Pho ebe Wong」接口話：「假大空。」「Allen Wong」就回帶返小麗老千此前選舉時承諾過但結果無咗件事嘅「免供退保」。

「熱狗」讚「誠實：漏氣兼皺皮」黃敬業對小麗老千張相亦有解讀：「汽（氣）球代表漂泊、追逐、丟失……還有，汽球會漏氣，變成皺皮。這倒也誠實。」「林志雄」就覺得認真你



■網民寸劉小麗拎住個氣球似《小丑回魂》。網上圖片

就輸了：「政治小販，見嘜（乜）賣嘜（乜），啲貨唔啱賣，轉供應商（轉政黨）賣第二樣嘢～」

九西補選下月2日提名 小麗橫額早通街掛

香港文匯報訊（記者 鄭治祖）立法會九龍西補選將於11月25日舉行。選舉事務處昨日刊憲公佈，補選提名期為10月2日至10月15日。是次補選提名期結束與投票日相距41天，與2016年新界東補選及今年3月補選的安排一樣。

已表態正「積極考慮」參加是次補選、獲反對派普遍支持的劉小麗日前在傳媒茶敘中聲

言，特區政府至今仍未公佈補選的提名期，令反對派「好難部署」，並質疑特區政府此舉是「界時間建制派『捉銀彈』」云云。不過，早在7月，九龍西區內就掛滿她和工黨李卓人的橫額。

選舉事務處發言人在介紹提名安排時表示，獲提名人士必須是年滿21歲的地方選區已登記選民，在緊接提名前的3年內通常

在香港居住，並且是沒有外國居留權的香港永久性居民中的中國公民。獲提名為候選人的資格、喪失獲提名為候選人或當選為議員的資格的情況，以及獲提名的候選人須遵從的規定，分別載列於《立法會條例》第三十七條、第三十九條及第四十條。九龍城民政事務專員已獲委任為補選的選舉主任。

涉收黑金搞「佔中」 市民促查李卓人

香港文匯報訊（記者 殷翔）「反黑金反港獨關注組」十餘名成員昨日到北角廉政公署總部示威，要求廉署繼續跟進工黨副主席李卓人2014年收受「黑金」煽動「佔中」的經歷，並指最近加入工黨、「潰誓四丑」之一的前立法會議員劉小麗，涉嫌偷步為參加補選籌款，要求廉署徹查。示威者拉起橫額：「李卓人收黎智英黑金、夾小麗搞『港獨』一鑊熟」，手舉打印李卓人人頭相的標語牌「禍國禍港、專收黑金」、「黑金禍港、問你點擋」等，高呼「李卓人收黑金、港獨黃蜂尾後針」、「勾結『台獨』搞『港獨』、搞到香港一鑊熟」、「李卓人必需伏法、廉署執法要負責」等口號。示威者表示，李卓人4年前秘密收受黎智英50萬元政治「黑金」搞「佔中」，迄今未被究責。「港獨」和「佔中」同為違法行為。現在，他又夥同「港獨」分子劉小麗，企圖為「港獨」搖旗吶喊，故廉署必須追究到底。

批劉小麗疑偷步籌款參選

他們批評，李卓人在違法「佔中」前後赴泰國、台灣「取經」，更煽動所屬職工



■廉署職員接收請願信。

香港文匯報記者殷翔 攝

盟發起罷工聲援「佔中」，並與多名反對派議員與「佔中」核心人物陳日君、黎智英、李永達、朱耀明等多次舉行秘密會議推動「佔中」，諸多煽動違法「佔中」的行為證據確鑿，沒理由不追究刑責。

示威者續指，一直鼓吹「港獨」的劉小麗日前公開籌款，懷疑是為參加立法會補選鋪路，涉嫌違反選舉條例偷步籌款，故要求廉署介入調查，將她繩之以法。廉署職員接收了請願信。

飛機豪得把口 唱衰灣區卻置業

網議政事 口裡說不，身體很誠實。經常唱衰內地、唱衰粵港澳大灣區發展嘅公民黨，其立法會議員譚文豪（飛機豪）原來早幾年已經嚟大灣區內的惠州買樓用嚟做度假屋。唔少網民質疑公民黨呢班人經常抹黑內地「無法治、無自由」，但就「有信心」喺當地置業、度假，即係佢哋以實際行動推翻自己講過嘅說話，真係人無恥就無敵。有人就「讀」譚文豪呢類政棍識得又食又撻又罵娘，先至係「叻仔」呀！香港反對派經常抹黑內地，講到港人出入內地會無端端俾人拉、俾人告，特別係為咗反對高鐵落實「一地兩檢」，就話隨時一過境就「被洗頭」，又話大灣區發展係為咗吞咗香港等等，不斷危言聳聽。不過，身為反對派一員，譚文豪近日就俾人踢爆嚟惠州有物業。搶開惠州買樓 稱供家人度假佢哋接受傳媒訪問時話，四五年前佢有「親友」提到惠州置業，而當時樓價唔高，所以買咗，而個物業由佢老婆持有，主要用嚟畀家人、親人度假之用，自己就「甚少使用」云云。咦，咁咪即係佢屋企人時不時要去佢咁口中「無法治、無人權」嘅地方「度假」？乜唔怕有佢咁口中嘅「強力部門」危及佢身家性命財產咩？唔少網民就狠批譚文豪。「Hoysun Chan」話：「喂，（反對派）又話上面（內

地）好封建，好無自由既（嘅）？點解要起（喺）果（嗰）到（度）買樓呀？」「王慧賢」亦質疑：「還說是界家人上去度假住，咁樣害自己乜（啲）家人呀！唔系（係）話大陸（內地）系（係）無法治無自由嘅強權國家咩？」「Dennis Lam」道：「點解佢返內地都無俾人拉？證明內地根本唔係佢地（哋）講到咁恐怖。」嗌反中食住撻 網民狠批無恥「Shu Qiu Huang」則狠批：「民主派又係不知恥！成日反政府反中央，點（知）又厚面皮去內地買樓！」「Akiyuki Wong」也道：「垃圾議員反高鐵、反『一地兩檢』，但又努力地攞（搞）高鐵旅行團賺人仔，這種叫邊撻糖吃邊罵娘，能夠羞恥便無敵呀？！」「Ken NG」亦質疑：「明反暗落注，香港呢選民，大陸（內地）坐曬（晒）順風車，咁即係點先？」「Siu Ying Ruby Tsui」就「讀」譚文豪：「在大灣區買樓，仲要係幾年前呀，呢啲咪叻仔囉，口講一套另外做一套！」「Yin Lau Or」也道：「睇佢樣樣就知醒人仔！未來願景都放在大陸（內地），現在為了這碗政治飯，做戲都要喇！」「Tai Bo Choi」就覺得件事「點止咁簡單」：「政府發展大灣區，（譚文豪）擬知情偷（偷）步買樓，一定要徹查佢！」

■香港文匯報記者 陳川